



2 июня 2016 й.г.

№ 185

Тошкент ш. – г. Ташкент

**Электрон тижоратда битимларни амалга ошириш тартибини
янада такомиллаштириш чора-тадбирлари тўғрисида**

"Электрон тижорат тўғрисида"ги Ўзбекистон Республикаси Конунига мувофик, электрон тижорат субъектлари ўртасидаги ўзаро муносабатларни тартибга солиш ҳамда электрон тижорат субъектлари томонидан битимлар содир этилиши тартибини, электрон тижоратда қўлланиладиган электрон хужжатлар ва хабарларни саклаш тартибини белгилаш мақсадида Вазирлар Маҳкамаси қарор қиласди:

1. Қўйидагилар:

Электрон тижоратни амалга ошириш қоидалари 1-иловага мувофик;

Шартномаларни тузишда электрон рақамли имзоларни қўллаш ва электрон хужжатларни ҳамда электрон тижоратда қўлланиладиган электрон хабарлардаги мавжуд ахборотни саклаш тартиби тўғрисидаги Низом 2-иловага мувофик тасдиқлансанн.

2. Белгилаб қўйилсинки:

ахборот тизимларидан фойдаланган ҳолда тузилган шартнома ёзма шаклда тузилган ва тарафлар томонидан имзоланган, шу жумладан тарафларнинг мухрлари билан тасдиқланган шартномага тенглаштирилади;

товарлар сотувчининг ўз автомобиль транспортида етказиб берилгандага Ўзбекистон Республикаси ҳудудида автомобиль транспортида йўловчилар ва юкларни шаҳарда, шаҳар атрофида, шаҳарлараро ва ҳалқаро ташишларга лицензия олиш талаб этилмайди, қонун хужжатларида белгиланган ҳолатлар бундан мустасно.

3. Ўзбекистон Республикаси Ахборот технологиялари ва коммуникацияларини ривожлантириш вазирлиги томонидан Миллий ахборот-излаш тизимида электрон тижоратнинг маҳаллий ахборот ресурсларининг доимий равишда янгиланадиган бўлими шакллантирилганлиги маълумот учун қабул қилинсан.

Ўзбекистон Республикаси Ахборот технологиялари ва коммуникацияларини ривожлантириш вазирлиги Иқтисодиёт вазирлиги билан биргаликда Миллий ахборот-излаш тизимидағи электрон тижоратнинг маҳаллий ахборот ресурсларининг шаклланган бўлими доимий равишда ахборот билан таъминласин ва техник кўмаклашсан.

4. Вазирлар Маҳкамасининг "Юридик ва жисмоний шахсларни рўйхатдан ўтказишни ҳамда улар томонидан савдо фаолияти амалга оширилишини тартибга солиш чора-тадбирлари тўғрисида" 2002 йил 26 ноябрдаги 407-сон қарорига (Ўзбекистон Республикаси ҚТ, 2002 й., 11сон, 71-модда) илованинг 1-банди иккинчи хатбошидан "шунингдек электрон тижоратга нисбатан" сўzlари чиқариб ташлансин.

5. Вазирликлар ва идоралар ўzlари қабул қилган норматив-хукукий хужжатларни бир ой муддатда ушбу қарорга мувофиқлаштирсинглар.

6. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С.Азимов зиммасига юклансин.

**Ўзбекистон Республикасининг
Бош вазири**



Ш.Мирзиёев

Вазирлар Маҳкамасининг
2016 йил 2 июнданги
185-сон қарорига
1-илюва

Электрон тижоратни амалга ошириш қоидалари

I. Умумий қоидалар

1. Ушбу Қоидалар "Электрон тижорат тўғрисида", "Электрон хужжат айланиши тўғрисида"ги Ўзбекистон Республикаси қонунларига ва бошқа норматив-хукуқий хужжатларга мувофиқ электрон тижорат шаклида товарларни сотишни (ишларни бажаришни, хизматлар кўрсатишни) тартибга солади.

2. Ушбу Қоидаларнинг амал қилиши:

давлат харидлари тўғрисидаги қонун хужжатларига мувофиқ амалга ошириладиган товарларнинг (ишлар ва хизматларнинг) давлат харидларига;

биржа фаолиятини амалга ошириш хукуқини берадиган лицензияга эга бўлган биржаларда, шунингдек ахборот воситачиларининг ахборот тизимларида содир этиладиган битимларга;

кўчмас мулкни сотишга, шунингдек қонун хужжатларига мувофиқ нотариал тасдиқланиши ёки давлат рўйхатидан ўтказилиши керак бўладиган битимларга татбиқ этилмайди.

3. Электрон тижорат шаклида амалга ошириладиган улгуржи ва чакана савдо Вазирлар Маҳкамасининг 2002 йил 26 ноябрдаги 407-сон қарори билан тасдиқланган Улгуржи ва чакана савдо фаолиятини амалга ошириш тартиби тўғрисидаги Низом ва Вазирлар Маҳкамасининг 2003 йил 13 февралдаги 75-сон қарори билан тасдиқланган Ўзбекистон Республикасида чакана савдо қоидалари билан тартибга солинади.

Электрон тижорат шаклида товарларни сотишида (ишларни бажаришда ва хизматлар кўрсатишида) ушбу Қоидаларга 1-иловада кўрсатилган товарларни (ишларни, хизматларни) сотиш тартиб-таомилларини соддалаштиришга йўналтирилган алоҳида нормалар қўлланилади.

4. Электрон тижорат шаклида товарларни (ишларни, хизматларни) сотиш рухсат этиш хусусиятига эга алоҳида хужжат олинишини талаб этмайди.

Бунда электрон тижорат шаклида товарларни товарларни (ишларни, хизматларни) сотишида, агар хужжатни электрон тижоратдан ташқарида расмийлаштириш зарурлиги қонун хужжатларида белгиланган бўлса, рухсат этиш хусусиятига эга тегишли хужжатни олишни истисно этмайди.

5. Товарлар (ишлар, хизматлар) электрон тижорат объектлари ҳисобланади, ушбу Қоидаларга 2-иловага* мувофиқ рўйхатга биноан айланмадан олиб қўйилган ёки айланмадаги чекланган товарлар (ишлар, хизматлар) бундан мустасно.

6. Электрон тижорат ушбу Қоидаларга 3-иловага мувофиқ схемага биноан ахборот тизимида офертани (таклифни) жойлаштириш ва офертага акцепт олиш йўли билан амалга оширилади.

II. Асосий тушунчалар

7. Ушбу Қоидаларда қуидаги асосий тушунчалар қўлланилади:

акцент – оферта йўлланган шахснинг унинг қабул қилинганилиги тўғрисидаги жавоби;

ахборот тизими – ахборотни тўплаш, сақлаш, излаш, қайта ишлаш ва ундан фойдаланиш имконини берадиган ахборот ресурслари, ахборот технологиялари ва алоқа воситаларининг ташкилий тартибга солинган жами;

ахборот воситачиси – электрон тижоратда электрон ҳужжатлар ва электрон хабарлар айланиши билан боғлиқ хизматлар кўрсатувчи юридик шахс;

ахборот ресурси – ахборот тизими таркибидаги электрон шаклдаги ахборот, маълумотлар банки, маълумотлар базаси;

оферта – бир шахсга, бир нечта аниқ шахсларга ёки шахсларнинг номуайян доирасига йўналтирилган, ундан таклиф билдираётган шахснинг (оферентнинг) таклифда кўрсатилган шартларда ким жавоб берса у билан шартнома тузишга бўлган иродаси билинадиган шартноманинг барча мавжуд шартлари мавжуд бўлган таклиф;

харидор – пировард истеъмол, тижорат мақсадларида фойдаланиш, ўзининг ишлаб чиқариш-хўжалик эҳтиёжлари учун ахборот тизимларидан фойдаланган ҳолда товарларни (ишларни, хизматларни) сотиб олувчи жисмоний шахс ёки тадбиркорлик фаолияти субъектлари (Ўзбекистон Республикасининг резидентлари ва норезидентлари);

сотувчи – ахборот тизимларидан фойдаланган ҳолда товарларни (ишларни, хизматларни) сотувчи тадбиркорлик фаолияти субъекти;

электрон тижорат иштирокчиси – электрон тижоратда товарларни (ишларни, хизматларни) сотувчи ёки уларнинг харидори бўлган юридик ёки жисмоний шахс;

электрон тижорат – ахборот тизимларидан фойдаланган ҳолда тузиладиган шартномага мувофиқ амалга ошириладиган товарлар (ишлар, хизматлар) олди-сотдиси;

электрон савдо майдончаси – ташкилий, ахборот ва техник қарорларнинг дастурий-аппарат мажмуи, шу жумладан товарларни (ишларни, хизматларни) сотиши учун ахборот тизими орқали сотувчи ва харидорнинг (буортмачининг) ўзаро ҳамкорлигини таъминлайдиган интернет-дўкон;

электрон хабар – ахборотни жўнатувчини идентификациялаш имконини берувчи электрон шаклда қайд этилган ахборот;

электрон восита – электрон шаклда ахборотни қайта ишлаш, сақлаш ва уни айирбошлишга мўлжалланган компьютер ва (ёки) бошқа техник асбоб, шунингдек телекоммуникациялар тармоғи;

электрон шартнома (кейинги ўринларда шартнома деб аталади) – товарлар (ишлар, хизматлар) олди-сотдиси учун ахборот тизимларидан фойдаланган ҳолда сотувчи ва харидор ўргасида тузиладиган шартнома;

электрон ҳужжат – электрон шаклда қайд этилган, электрон рақамли имзо билан тасдиқланган ва электрон ҳужжатнинг уни идентификациялаш имконини берадиган бошқа реквизитларга эга бўлган ахборот.

III. Электрон тижорат субъектлари

8. Электрон тижорат иштирокчиси (сотувчи, харидор) ва ахборот воситачиси (электрон тижорат субъектлари ҳисобланадилар).

9. Электрон тижорат субъектлари тузилган шартнома талабларига мувофиқ ҳукуқни амалга оширадилар ва эга бўладилар, мажбуриятларни бажарадилар.

10. Сотувчи қуидаги ҳукуқларга эга:

электрон тижорат мақсадларида мавжуд бўлган ахборот ресурсларида офертани жойлаштириш;

шартномалар тузиш йўли билан товарларни сотиш (ишларни бажариш, хизматлар кўрсатиш);

ахборот воситачиларида электрон ҳужжатлар ва электрон хабарларни саклаш учун бериш.

11. Сотувчи:

а) электрон тижоратда товарларни сотиша (ишларни бажаришда, хизматлар кўрсатишда), шу жумладан товарлар (ишлар, хизматлар) тўғрисидаги зарур ва ишончли ахборотни харидорга тақдим этиш бўйича рақобат ва истеъмолчиларнинг ҳукуқларини ҳимоя қилиш тўғрисидаги қонун ҳужжатлари талабларига риоя этиши;

б) электрон ҳужжатлар ва электрон хабарларни белгиланган тартибда саклашни таъминлаши;

в) электрон тижоратнинг бошқа иштирокчиларини ўзи тўғрисида электрон шаклда давлат тилида, зарурият бўлганда эса бошқа тиллардаги ишончли ахборотдан тегишли фойдаланишни таъминлаши шарт, ахборот қуидаги маълумотларни ўз ичига олиши керак:

юридик шахс учун – тадбиркорлик фаолияти субъектининг ташкилий-ҳукуқий шакли кўрсатилган ҳолда унинг тўлиқ номи; юридик шахс ташкил этмасдан тадбиркорлик фаолиятини амалга оширувчи жисмоний шахс учун – фамилияси, исми, отасининг исми;

давлат рўйхатидан ўтказилганлиги тўғрисидаги маълумотлар, тадбиркорлик фаолияти субъектининг солиқ тўловчининг идентификация рақами;

жойлашган жойи (почта манзили), электрон почта манзили, боғланиш телефони рақами;

қонун ҳужжатларида назарда тутилган ҳолларда лицензия ёки рухсат этиш хусусиятига эга ҳужжатнинг мавжудлиги тўғрисидаги маълумотлар (лицензиянинг ёки рухсат этиш хусусиятига эга ҳужжатнинг рақами, амал қилиш муддати, лицензияни ёки рухсат этиш хусусиятига эга ҳужжатни беришга ваколатли органнинг номи).

12. Сотувчидан чиқувчи оферта ёхуд тақлиф этилаётган товарлар (ишлар, хизматлар) тўғрисидаги ахборот ахборотни бузмасдан қайта тикиш ва сотувчи тўғрисида, шунингдек у томондан тақлиф қилинаётган товарлар (ишлар, хизматлар), уларнинг нархлари ва тарифлари, шунингдек уларни сотиш (ишларни бажариш, хизматлар кўрсатиш) шартлари тўғрисида ишончли тасаввур ҳосил қилиш имконини берувчи электрон шаклда тақдим этилиши керак.

13. Электрон тижорат субъектлари, электрон хужжатлар ва электрон хабарларни айирбошлаш учун тегишли ахборот тизимларини бошқаришни аник ташкил этишини таъминлаб шартнома асосида ахборот воситачиси хизматларидан фойдаланишлари мумкин.

14. Ахборот воситачилари жумласига қуидагилар киради:

электрон тижорат иштирокчиларининг электрон хужжатлари ва электрон хабарлари айланиши бўйича хизматлар кўрсатувчи телекоммуникация тармоқлари операторлари ва провайдерлари;

электрон тижорат иштирокчиларининг тўлов тизимларидан фойдаланишини ва тўловлар ўтказилишини таъминлаш бўйича хизматлар кўрсатувчи банклар;

электрон ярмаркалар, кимошли савдолари ва танловлар ташкил этилишини амалга оширувчи юридик шахслар;

электрон тижорат иштирокчиларининг электрон хужжатлари ва электрон хабарларини сақлаш бўйича хизматлар кўрсатувчи юридик шахслар.

Ахборот воситачилари жумласига қонун хужжатларига мувофиқ бошқа юридик шахслар ҳам киритилиши мумкин.

15. Ахборот воситачилари сотувчи ва харидор ўртасида тузиладиган шартномаларнинг тарафлари ҳисобланмайдилар.

16. Ахборот воситачиси қуидаги хукуқларга эга:

ўз ваколати доирасида шартнома асосида электрон тижоратда электрон хужжатлар ва электрон хабарлар айланиши билан боғлиқ хизматлар кўрсатиш;

электрон тижорат иштирокчиларига кўрсатиладиган хизматлар шартларини белгилаш.

17. Ахборот воситачиси:

электрон тижорат соҳасидаги стандартлар, нормалар ва қоидаларга риоя этиши;

ўзининг тўлиқ номи, ташкилий-хукуқий шакли, кўрсатиладиган хизматлар, уларни кўрсатиш шартлари ва қийматлари (тарифлари) ҳақидаги ахборотни электрон тижорат иштирокчиларига ошкор қилиши;

электрон хужжатларнинг ва электрон хабарларнинг мазмунини, улардан фойдаланиш тартибини ўзгартираслиги, электрон тижорат иштирокчилари билан тузилган шартномаларда назарда тутилган ҳоллар бундан мустасно;

электрон хужжатларни, электрон хабарларни ҳамда шахсга доир маълумотларни рухсатсиз фойдаланишдан ҳимоя қилиш чора-тадбирлари билан таъминлаши;

электрон хужжатларни ва электрон хабарларни учинчи шахсларга юбормаслиги шарт (қонунда ёки шартномада назарда тутилган ҳоллар бундан мустасно).

Ахборот воситачиси қонун хужжатларига ҳамда шартномага мувофиқ бошқа хукуқларга эга бўлиши ва ўз зиммасига ўзга мажбуриятлар олиши мумкин.

электрон тижоратни амалга оширишда фойдаланиладиган маълумотларнинг электрон архивини ташкил этиши, улар белгиланган тартибда сақланишини таъминлаши;

ахборот тизимларидағи мавжуд ахборотнинг яхлитлиги ва маҳфийлигини таъминлаши шарт.

18. Ахборот воситачиси берилаётган, олинаётган, сақланаётган электрон хужжатлар ва электрон хабарларни назорат қилишга ёки уларнинг ишончлилигини, шунингдек уларнинг қонун хужжатларига мувофиқлигини назорат қилишга ёки ишончлилигини текширишга мажбур эмас, агар қонун хужжатларида ёки шартномада ўзгача ҳол назарда тутилмаган бўлса.

19. Электрон тижорат субъектларининг ахборот воситачиси орқали юборилаётган электрон хужжатлар ва электрон хабарлар мазмунни билан боғлиқ бўлган хукуқий оқибатлар учун ахборот воситачиси жавобгар бўлмайди.

20. Харидорга ушбу Қоидаларда, тузилган шартномада ва қонун хужжатларида назарда тутилган барча хукуқлар берилади ва зиммасига мажбуриятлар юкландади.

IV. Электрон савдо майдончасини ташкил этиш

21. Сотувчи ва ахборот воситачиси электрон тижорат субъектларининг ўзаро хамкорлигини таъминлайдиган электрон савдо майдончаси орқали электрон тижорат шаклида товарларни сотиш (ишларни бажариш, хизматлар кўрсатиш) хукуқига эгадир.

22. Электрон савдо майдончалари Интернет бутунжаон ахборот тармоғидаги ресурслар, Миллий ахборот-излаш тизимида кўрсатиладиган дастурий маҳсулотлар ва мобил иловалар бўлиши мумкин.

23. Электрон савдо майдончаси электрон тижоратни амалга ошириш учун зарур функцияларни, шу жумладан:

ушбу Қоидаларда назарда тутилган тартибда офертани жойлаштириш, акцептни амалга ошириш ва шартномалар тузиш;

электрон тижорат субъектларига ушбу Қоидаларга мувофиқ ҳазарда тутилган ахборотдан фойдаланиш;

ушбу Қоидалар талабларига мувофиқ электрон хужжатлар ва электрон хабарларни хавфсиз айирбошлишни таъминлаш;

Ўзбекистон Республикаси ҳудудида жойлашган серверларда электрон хужжатлар ва электрон хабарларни белгиланган тартибда сақлаш имкониятини ўз ичига олиши керак.

V. Шартнома тузиш тартиби

24. Шартнома оферта ва акцептдан иборат бўлади. Шартнома, агар шартномада ўзгача ҳол назарда тутилмаган бўлса, оферта юборган тараф томонидан бошқа тараф юборган акцепт олинган пайтдан бошлаб тузилган деб эътироф этилади.

25. Оферта ўзида электрон хужжатни ифодалайди, унинг воситасида электрон тижорат иштирокчиси битта шахсга, бир нечта аниқ шахсларга ва шахсларнинг номуайян доирасига шартнома тузишни таклиф этади ва уларнинг шартнома шартлари мавжуд бўлган, шу жумладан ушбу Қоидаларга мувофиқ мажбурий шартнома шартлари мавжуд бўлган матндан фойдаланилишини таъминлайди.

26. Электрон тижорат иштирокчисидан чикувчи офертада шартномага киритилиши керак бўлган барча шартлар ёхуд бундай шартлар мавжуд бўлган электрон хужжатлар ёки электрон хабарларга хаволалар бўлиши керак.

27. Оферта унда кўрсатилган муддат мобайнида ҳақиқийдир. Электрон тижорат иштирокчиси томонидан олинган оферта, агар офертанинг ўзида ўзгача ҳол қайд этилмаган ёхуд таклифнинг моҳиятидан ёки таклиф билдирилган вазиятдан келиб чиқмаса, унинг акцепти учун белгиланган муддат мобайнида чақириб олиниши мумкин эмас.

28. Офертани чақириб олиш уни оловчига чақириб олиш сабаблари кўрсатилиши керак бўлган электрон ҳужжат ёки электрон хабар шаклида чақириб олиш тўғрисида билдиришнома юбориш орқали амалга оширилади.

29. Шартнома:

унинг электрон рақамли имзо билан тасдиқланишини назарда тутувчи электрон ҳужжат тарзида;

матнида электрон тижорат иштирокчисининг розилиги билдирилган матн бўлган электрон хабар тарзида;

офертада кўрсатилган шартларни бажариш бўйича ҳаракатларни содир этиш орқали акцептни амалга ошириш йўли билан тузилиши мумкин.

30. Акцепт ўзида электрон ҳужжатни ёки электрон хабарни, шунингдек офергадаги мавжуд шартларни бажариш бўйича ҳаракатларни ифодалайди, унинг орқали шахс офертада таклиф этилган шартларда шартнома тузишга тўлиқ ва сўзсиз розиликни ифодалайди.

31. Акцептда оферент томонидан таклиф этилган шартноманинг барча шартлари ўзгартирилмаслиги керак. Оферентга шартноманинг ўзгартирилган шартлари билан жавоб юборилган тақдирда, бундай жавоб акцепт ҳисобланмайди ва янги оферта ҳисобланади.

32. Оферта ёки акцепт, агар тарафларнинг аҳдлашувида ўзгача ҳол назарда тутилмаган бўлса, ахборот тизими томонидан автоматик аниқланадиган оловчи томонидан унинг олинганлиги тўғрисида билдиришнома жўнатилган пайтдан бошлаб олинган деб ҳисобланади.

33. Оферта олинганлиги тўғрисидаги билдиришнома ушбу Қоидаларда белгиланган тартибда акцепт олинмасдан шартномани ижро этиш учун асос ҳисобланмайди.

34. Оферта ва акцепт жўнатувчи томонидан уларнинг мазмуни ўзгартирилмасдан, улар юборилган тарзда, оловчи томонидан эса – агар тарафларнинг аҳдлашувида ўзгача ҳол назарда тутилмаган бўлса, шартноманинг амал қилиши тўхтатилган пайтгacha улар олинганда қандай бўлса, шу тарзда сакланиши керак.

35. Оферта ва акцептни тайёрлаш, расмийлаштириш, амалга ошириш билан боғлиқ умумий талаблар ва айрим масалалар қонун ҳужжатлари билан тартибга солинади.

36. Ахборот тизимларидан фойдаланилган ҳолда тузилган шартнома ёзма шаклда тузилган ва тарафлар томонидан имзоланган, шу жумладан тарафларнинг муҳрлари билан тасдиқланган шартномага тенглаштирилади.

37. Шартномада куйидаги мажбурий шартлар бўлиши керак:

шартнома предмети;

тарафларнинг асосий хукуқлари ва мажбуриятлари;

товарларнинг (ишлар, хизматларнинг) нархи ва тавсифи ҳамда тарафлар ўртасида ҳисоб-китоб қилиш тартиби;

кафолат муддати, агар бу аниқ бир товар учун белгиланган бўлса;

етказиб бериш жойи ва шартлари (етказиб бериш хизматлари мавжуд бўлганда);

тарафларнинг жавобгарлиги;

мажбуриятларни бажариш тартиби ва муддатлари;

шартномага ўзгартириш ва қўшимчалар киритиш имконияти ва тартиби;

битимни рад этиш шартлари;

товар ва пул маблағларини қайтариш шартлари ва тартиби;

шартнома тузилган тил тўғрисидаги маълумот;

электрон ҳужжатга ва электрон хабарга ҳавола қилиш воситасида шартномага киритиладиган шартлар ва тегишли ҳаволадан фойдаланиш тартиби (улар мавжуд бўлганда);

шартноманинг амал қилишини тўхтатиш шартлари;

низоларни ҳал этиш тартиби;

тарафларнинг жойлашган жойи (почта манзили), электрон манзили ва банк реквизитлари;

тарафлар томонидан келишилган бошқа шартлар.

38. Шартнома унга ҳамма фойдаланиши мумкин бўлган ахборот ресурсида жойлаштирилган электрон ҳужжатга ҳавола қилиш йўли билан киритиладиган алоҳида шартларни ўз ичига олиши мумкин. Бу ҳолда электрон ҳужжатни жойлаштирган электрон тижорат иштирокчиси қонун ҳужжатларида ёки шартномада белгиланган муддат мобайнида ундан эркин фойдаланиш имкониятини таъминлаши, бу муддат ўтганидан кейин эса мазкур электрон ҳужжатнинг қонун ҳужжатларида назарда тутилган тартибда сакланишини таъминлаши шарт.

39. Шартномага киритиладиган ўзгартиришлар шартноманинг ажралмас қисми ҳисобланган электрон ҳужжат ва (ёки) электрон хабар сифатида расмийлаштирилади.

VI. Электрон ҳужжат ва электрон хабар

40. Электрон ҳужжат ва электрон хабар қоғоздаги ўз қўли билан имзоланган ҳужжатга тенглаштирилади.

41. Электрон ҳужжат ва электрон хабарнинг мазмуни учун, агар шартномада ёки қонун ҳужжатларида ўзгача ҳол назарда тутилмаган бўлса, электрон тижорат иштирокчиси жавоб беради.

42. Сотувчи ёки ахборот воситасиси электрон ҳужжатларни, электрон хабарларни қонун ҳужжатларида белгиланган тартибда ва муддатларда саклаши шарт.

43. Электрон ҳужжат ва электрон хабар:

бевосита электрон тижорат иштирокчиси томонидан;

электрон тижорат иштирокчиси номидан иш кўриш ваколатлари берилган шахслар, шу жумладан ахборот воситачиси томонидан;

электрон тижорат иштирокчисининг ахборот тизими ёки унинг номидан – автоматик режимда ишлайдиган тизим томонидан юборилиши мумкин.

44. Электрон хужжат ва электрон хабарни оловчи уларнинг жўнатувчига тегишлилиги ҳолатини тасдиқлашни талаб қилиш хукуқига эгадир.

VII. Электрон тижоратда тўловларни етказиш ва амалга ошириш

45. Ишларни бажариш ва хизматлар кўрсатиш шартномада кўрсатилган жойда ва муддатларда амалга оширилади.

46. Агар шартнома товарни етказиб бериш шарти билан тузилган бўлса, сотовчи товарни шартномада кўрсатилган муддатларда харидор томонидан кўрсатилган жойга етказиб бериши шарт.

47. Товарларни харидор томонидан кўрсатилган жойига етказиб бериш учун сотовчи:

Ўзбекистон Республикаси ҳудудида ўзининг автомобиль транспортида шаҳар, шаҳар атрофи, шаҳарлараро ва халқаро ташибларга лицензия олмасдан йўловчилар ва юкларни автомобиль транспортида етказиб беришни мустақил амалга ошириши;

товарларни етказиб бериш бўйича хизматлар кўрсатиш хукуқига эга бўлган учинчи шахсларнинг хизматларидан фойдаланиши;

етказиб беришнинг қонунчиликда тақиқланмаган бошқа усусларидан фойдаланиши мумкин.

48. Электрон тижоратда тўловлар фақат қуийдаги усувлар билан амалга оширилади:

банк пластик карталаридан фойдаланган ҳолда тўловларни қабул қилиш бўйича ҳисоб-китоб терминалини қўллаш орқали;

шахсий кабинет ёки чакана тўловлар тизими орқали (онлайн-тўлов) банк пластик картасидан маблағларни ўтказиш воситасида;

банк ҳисоб рақамидан пул маблағларини ўтказиш воситасида.

VIII. Шартнома шартларини бажаришни рад этиш тартиби

49. Товарни (ишларни, хизматларни) сотиб оловчи қонун ҳужжатларида назарда тутилган ҳолларда товарни, ишларни бажариш ва хизматлар кўрсатишни рад этиш сабабларини кўрсатган ҳолда сотовчини хабардор қилиб ўзи билан тузилган шартномани бажаришни рад этиш хукуқига эгадир.

50. Харидор шартномада назарда тутилган ҳолларда шартнома шартларини бажаришни рад этиши мумкин эмас.

51. Электрон тижоратда товарни қайтариш "Истеъмолчиларнинг хукуқларини ҳимоя қилиш тўғрисида", "Хўжалик юритувчи субъектлар фаолиятининг шартномавий-хукуқий базаси тўғрисида"ги Ўзбекистон Республикаси қонунларига, Фуқаролик кодексига ва бошқа норматив-хукуқий ҳужжатларга, шунингдек тузилган шартномага мувофиқ амалга оширилади.

52. Пул маблағларини қайтариш зарур бўлган ҳолларда сотовчи товар (ишлар, хизматлар) харид қилингандилиги учун тўлов қандай усулда амалга оширилган бўлса,

ўша усулда товарнинг (ишлар, хизматларнинг) ҳаки тўланганлигини тасдиқлайдиган тақдим этилган ва чекка тенглаштирилган ҳужжат асосида харидорга қайтариши шарт.

53. Пул маблағларини қайтариш шартномада кўрсатилган тартибда ва муддатларда амалга оширилади.

54. Товарни ва пул маблағларини қайтариш билан боғлиқ ҳужжатлар электрон ҳужжат ёки электрон хабар тарзида расмийлаштирилиши мумкин.

55. Товарни қайтариш билан боғлиқ транспорт харажатларини қоплаш шартномада кўрсатилган шартларга мувофиқ амалга оширилади.

IX. Электрон тижоратда экспортни амалга ошириш хусусиятлари

56. Товарларнинг (ишлар, хизматларнинг) электрон тижорат шаклидаги экспорти божхона қонунчилигининг барча талабларига мажбурий риоя қилинган ҳолда амалга оширилади.

57. Электрон тижорат сотувчиси электрон рақамли имзолардан фойдаланган ҳолда электрон ҳужжат тарзида шартнома – экспорт контракти тузиши мумкин.

58. Шартнома-экспорт контракти бўйича ахборотни Ташки савдо операцияларининг ягона электрон ахборот тизимиға киритиш, шунингдек уларни бажариш Вазирлар Маҳкамасининг 2003 йил 30 сентябрдаги 416-сон қарори билан тасдиқланган Ташқи савдо операциялари устидан мониторинг олиб бориш тартиби тўғрисидаги Низом талабларига қатъий мувофиқ равишда амалга оширилади.

X. Яқунловчи қоидалар

59. Электрон тижоратни амалга ошириш билан боғлиқ низолар қонун ҳужжатларида белгиланган тартибда ҳал этилади.

60. Электрон тижорат субъектлари ушбу Қоидалар қоидаларига риоя этилмаганлиги, шунингдек ўз мажбуриятларини қонун ҳужжатларида белгиланган тартибда шартнома доирасида бажармаганлиги учун жавоб берадилар.

61. Солик солиши объектларини ва солик солиши билан боғлиқ бўлган объектларни аниқлаш учун, шунингдек солик мажбуриятларини ҳисоблаб чиқиш учун асос ҳисобланган ҳисобга олинадиган ҳужжатларни тузиш солик тўғрисидаги қонун ҳужжатларига мувофиқ амалга оширилади.

*) Қоидаларга 2-илова рус тилидаги матнда берилган.

Электрон тијоратни
амалга ошириш қоидаларига
1-илова

**Электрон тијорат шаклида товарларни сотиш (ишларни бажариш,
хизматлар күрсатиши) тартиб-таомилларини соддалаштиришга йўналтирилган
алоҳида нормалар**

1. Шартномага илова сифатида товарларни (ишлар, хизматларни) жисмоний шахсларга, шунингдек чакана савдо билан шуғулланувчи юридик шахсларга электрон тијорат шаклида улгуржи ва майда туркумлар билан сотишида харидор (буортмачи) жойлашган жой бўйича давлат солиқ хизмати органининг турғун савдо шохобчаси мавжудлиги ва назорат-касса машинаси рўйхатдан ўтказилганлиги тўғрисидаги маълумотномаси талаб қилинмайди.

2. Қонун хужжатларида белгиланган тартибда турғун савдо шохобчаларидан ташқарида ва назорат-касса машиналаридан фойдаланмасдан (№306) юридик шахслар томонидан чакана ва улгуржи сотишга, шунингдек якка тадбиркорлар томонидан электрон тијорат шаклида товарларни чакана сотишга йўл қўйилади.

3. Электрон тијорат шаклида нон ва нон-булка маҳсулотларини сотишида маҳсус инвентарь (санчқилар, пичоқлар, бўлиш тахталари, стеллажлар ва жавонларни нон ушоқларидан тозалаш учун чўткалар ва шу кабилар) талаб этилмайди.

4. Электрон тијорат шаклида товарларни сотишида иш жойларидан ташқарида тарозилардан ва бошқа ўлчов асбобларидан фойдаланишга йўл қўйилади.

5. Кartoшка ва мева-сабзавот товарларини электрон тијорат шаклида сотишида уларни тахта токчаларга, этажерка ва жавонларга ва пештахталарга, шу жумладан совутгичларга, лотокларга, кассеталарга, саватларга, қутиларга, шунингдек бошқа жиҳозланган инвентарга қўйиш талаб этилмайди.

**Электрон тижорат шаклида товарларни сотиш (ишларни бажариш, хизматлар кўрсатиш)
СХЕМАСИ**

Боскич-лар	Субъект-лар	Тадбирлар	Бажариш муддати
1-боскич	Сотувчи	Ўз ахборот тизимида ёки ахборот воситасининг электрон савдо майдончасида (веб-сайтлар, мобил таклифлар) шартнома шартлари мавжуд бўлган офертани (таклифни) жойлаштириш.	Сотувчининг хохиши бўйича
2-боскич	Харидор (буортмачи)	<p>Офертани:</p> <p>а) электрон хужжатнинг электрон рақамли имзо билан тасдиқланишини назарда тутадиган электрон хужжат тарзида;</p> <p>б) матнида электрон тижорат иштирокчисининг розилиги бўлган электрон хабар тарзида акцепт қилиш йўли билан;</p> <p>в) офертада мавжуд бўлган шартларни бажариш бўйича ҳаракатларни содир этиш воситасида офертани қабул қилиш, электрон хужжатни тузиш (унинг шартларига розилик билдирилганда).</p>	офертанинг амал қилиш муддати мобайнида харидорнинг (буортмачининг) хохиши бўйича
3-боскич	Харидор (буортмачи)	<p>Тўловни:</p> <p>а) банк пластик карталаридан фойдаланган ҳолда тўловларни қабул қилиш бўйича ҳисоб-китоб терминалини кўллаш;</p> <p>б) шахсий кабинет орқали ёки чакана тўловлар тизими орқали (онлайн-тўлов) маблағларни банк пластик картасидан ўтказиш;</p> <p>в) банк ҳисоб рақамидан пул маблағларини ўтказиш воситасида амалга ошириш.</p>	шартномада белгиланган тартибда ва муддатларда
4-боскич	Сотувчи	<p>Товарни етказиб бериш, ишларни бажариш, хизматлар кўрсатиш.</p> <p>Товарни етказиб бериш:</p> <p>а) сотувчининг ўз транспортида мустақил равишида;</p> <p>б) товарларни етказиб бериш хизматлари кўрсатиш хукуқига эга бўлган учинчи шахслар орқали;</p> <p>в) қонун хужжатларида тақиқланмаган етказиб беришнинг бошқа усувлари билан амалга оширилади.</p>	шартномада белгиланган тартибда ва муддатларда

Вазирлар Маҳкамасининг
2016 йил 2 июндаги
185-сон қарорига
2-илова

**Шартномаларни тузишда электрон рақамли имзоларни қўллаш ва электрон
хужжатларни ҳамда электрон тижоратда қўлланиладиган электрон
хабарлардаги мавжуд ахборотни сақлаш тартиби тўғрисида
НИЗОМ**

I. Умумий қоидалар

1. Ушбу Низом "Электрон тижорат тўғрисида", "Электрон рақамли имзо тўғрисида" ва "Электрон хужжат айланиши тўғрисида"ги Ўзбекистон Республикаси қонунларига мувофиқ шартномалар тузишда электрон рақамли имзоларни қўллаш ва электрон хужжатларни ва электрон тижоратда қўлланиладиган электрон хабарлардаги мавжуд ахборотни сақлаш тартибини белгилайди.

2. Ушбу Низомда қуйидаги асосий тушунчалар қўлланилади:

акцепт – оферта йўлланган шахснинг унинг қабул қилинганлиги тўғрисидаги жавоби;

электрон рақамли имзоларнинг ёпиқ қалити (ЭРИ ёпиқ қалити) – фақат имзоловчи шахсга маълум бўлган ва электрон хужжатда электрон рақамли имзоларни яратиш учун мўлжалланган электрон рақамли имзолар воситаларидан фойдаланилган ҳолда олинган рамзларнинг изчилиги;

ахборот тизими – ахборотни тўплаш, сақлаш, излаш, қайта ишлаш ва ундан фойдаланиш имконини берадиган ахборот ресурслари, ахборот технологиялари ва алоқа воситаларининг ташкилий тартибга солинган жами;

ахборот воситачиси – электрон тижоратда электрон хужжатлар ва электрон хабарлар айланиши билан боғлиқ хизматлар кўрсатувчи юридик шахс;

электрон рақамли имзоларнинг очиқ қалити (ЭРИ очиқ қалити) – электрон рақамли имзонинг ёпиқ қалитига мос бўлган ахборот тизимидан исталган фойдаланувчи кира оладиган ва электрон хужжатдаги электрон рақамли имзоларнинг ҳақиқийлигини тасдиқлаш учун мўлжалланган электрон рақамли имзолар воситаларидан фойдаланган ҳолда олинган рамзларнинг изчилиги;

оферта – бир шахсга, бир нечта аниқ шахсларга ёки шахсларнинг номуайян доирасига йўналтирилган, ундан таклиф билдираётган шахснинг (оферентнинг) таклифда кўрсатилган шартларда ким жавоб берса у билан шартнома тузишга бўлган иродаси билинадиган шартноманинг барча шартлари мавжуд бўлган таклиф;

электрон рақамли имзолар қалитининг сертификати (ЭРИ қалитининг сертификати) – ЭРИ очиқ қалитининг Электрон рақамли имзолар қалитларини рўйхатдан ўтказиш маркази томонидан ЭРИ ёпиқ қалити эгасига берилган ЭРИ ёпиқ қалитига мувофиқлигини тасдиқлайдиган электрон хужжат;

ноёб идентификатор – объектнинг бир хиллигини таъминлайдиган ва уни бошқа объектлардан фарқлаш имконини берадиган белги;

электрон тижорат иштирокчиси – электрон тижоратда товарларни (ишларни, хизматларни) сотувчи ёки уларнинг харидори бўлган юридик ёки жисмоний шахс;

электрон тижорат – ахборот тизимларидан фойдаланган ҳолда тузиладиган шартномага мувофиқ амалга ошириладиган товарлар (ишлар, хизматлар) олди-сотдиси;

электрон рақамли имзо (ЭРИ) – ЭРИ ёпиқ калитидан фойдаланган ҳолда муйайян электрон хужжатдаги ахборотни маҳсус қайта ўзгартириш натижасида олинган ва ЭРИ ёпиқ калити ёрдамида электрон хужжатдаги ахборотда бузиш йўқлигини аниқлаш ва ЭРИ ёпиқ калити эгасини идентификациялаш имконини берадиган электрон хужжатдаги имзо;

электрон хабар – электрон хужжат ҳисобланмайдиган, электрон воситалар ёрдамида жўнатилган, олинган ва сакланадиган электрон шаклдаги ахборот;

электрон хужжат – электрон шаклда қайд этилган, электрон рақамли имзо билан тасдиқланган ва электрон хужжатнинг уни идентификациялаш имконини берадиган бошқа реквизитларга эга бўлган ахборот.

II. Электрон тижоратда шартномалар тузиши электрон рақамли имзоларни қўллаш

3. ЭРИлар электрон тижоратда шартномаларни тузишида:

юридик аҳамиятли электрон хужжатлар айланишини таъминлаш ҳамда ўзгартиришларни аниқлаш ва электрон тижорат шартномаси (кейинги ўринларда шартномалар деб аталади) тузиш доирасида хукуқий муносабатларни тўхтатишини;

ахборот хавфсизлигининг зарур талабларини таъминлаш, шу жумладан, имзолангандан кейин ахборотнинг яхлитлиги ва ўзгармаслигини тасдиқлаш учун;

электрон хужжатни имзолаган ЭРИ эгасининг шахсини идентификациялашни таъминлаш мақсадида қўлланилиши керак.

4. Шартномани тузишида ЭРИлар калитларини рўйхатдан ўтказишнинг бир ёки бир нечта марказлари томонидан берилган ЭРИ калитлари қўлланилиши мумкин.

5. Электрон хужжатларнинг яхлитлигини текшириш жараёни ЭРИ калити сертификатининг амал қилишини ва электрон хужжатдаги ЭРИнинг ҳақиқийлигини текшириш йўли билан амалга оширилади.

6. ЭРИ калити сертификатининг амал қилишини текшириш сотувчи ёки ахборот воситачиси томонидан бериладиган ЭРИлар воситаларидан фойдаланган ҳолда электрон тижорат иштирокчилари томонидан мустақил амалга оширилади.

7. ЭРИ калити сертификатининг амал қилишини текшириш бекор қилинган сертификатлар рўйхатини текшириш ёки сўровни шакллантириш ва ЭРИ калити сертификатини берган ЭРИлар калитларини рўйхатдан ўтказиш марказига жўнатиш ёрдамида амалга оширилади.

8. Электрон хужжатлардаги ЭРИнинг ҳақиқийлигини текшириш ахборот тизими билан ёхуд ЭРИ калитларини рўйхатдан ўтказиш марказига мурожаат қилиш йўли билан амалга оширилади.

9. Операция муваффақиятли якунланганлиги тасдиқланишидан олдин электрон тижорат иштирокчилари шартномани тузишида шартнома тузиш доирасида фойдаланиладиган электрон хужжатларнинг яхлитлигини текширадилар.

10. ЭРИ шакллантиришда ЭРИ калити сертификатининг амал қилишини текшириш ЭРИ калитларини рўйхатдан ўтказиш марказида:

ЭРИ калитининг амал қилиш муддатини ва электрон хужжатни имзоланган ёпиқ калит эгасининг ЭРИ калити сертификати мақомини;

электрон хужжатни имзоланган ёпиқ калит эгасининг очик калити сертификатининг амал қилиш муддатини;

ЭРИ калити сертификати мақомини (амал қилади, амал қилиши тўхтатиб қўйилган ЭРИ шакллантириш пайтида бекор қилинган);

ЭРИ амал қилиш муддатини ва текширилаётган сертификатни чиқарган ЭРИ калитларини рўйхатдан ўтказиш маркази ваколатли шахсининг ЭРИ калити сертификати мақомини текширишни ўз ичига олиши керак.

11. Электрон хужжат яхлитлигини текшириш жараёнининг ижобий натижаси электрон хужжатда ахборотни (шартнома тузиш доирасида фойдаланиладиган) бузиш йўқлигини тасдиқлайди.

12. ЭРИни яратиш ва текшириш тартиб-таомили шартнома мажбуриятларининг хақиқийлиги ва амалда эканлигининг, шунингдек уларни ҳар томонлама ўзгартириш ёки бекор қилишдан ҳимоя қилишнинг кафолати ҳисобланади.

III. Электрон тижоратни амалга оширишда электрон хужжатларни ва бошқа электрон ахборотни саклаш тартиби

13. Электрон маълумотлар базаларида:

электрон хужжатларни яратиш, уларнинг ҳаракати ва уларни йўқ қилиш;

оферталарни ва уларнинг қабул қилиниши ҳолатларини эълон қилиш (акцепт);

электрон хабарларни юбориш ва олиш;

электрон тижоратда шартномалар тузиш билан боғлиқ барча электрон хужжатлар, электрон хабарлар ва операциялар сакланиши керак.

14. Барча маълумотлар:

тузилган шартноманинг тарафларини идентификациялаш ва шартномаларни амалга оширишнинг барча шартларини аниқлаш;

операциялар, шартномаларни амалга оширишнинг аниқ санаси ва вақтини ҳамда шартнома ва оферта шартларини ўзгартиришни аниқлаш имконини берадиган тарзда сакланиши керак.

15. Сотувчи ёки ахборот воситачисининг ахборот тизимлари доирасида ҳар бир электрон шартнома ва офертага унинг бир хиллигини таъминлайдиган ва бошқа обьектлардан фарқлаш имконини берадиган ноёб идентификатор берилиши керак.

16. Электрон хужжатлар ва хабарларни саклаш муддати шунга ўхшашиб ўзгартиришнинг қоғоз манбадаги хужжат учун белгиланган муддатдан кам бўйласлиги керак.

17. Тузилган шартномалар бўйича барча сакланадиган маълумотлар шартномага ва оферта шартларига муносабатни аниқ белгилаш имконини бериши керак.

18. Электрон хужжатлар ва электрон хабарларни яратиш, ҳисобга олиш, саклаш ва уларнинг архивларидан фойдаланиш тартиби қонун хужжатларига мувофиқ электрон хужжатларни саклайдиган ташкилот томонидан белгиланади.

19. Электрон ҳужжатларни, электрон хабарларни ва электрон тижоратда тузиладиган шартномалар билан боғлиқ бошқа маълумотларни сақлаш Ўзбекистон Республикаси ҳудудида амалга оширилиши керак.

IV. Тузиладиган шартномалар бўйича электрон ҳужжатларни, хабарларни ва бошқа электрон ахборотни сақлашда электрон тижорат иштирокчилари ва ахборот воситачиларининг ҳуқуқ ва мажбуриятлари

20. Электрон тижорат иштирокчилари ва ахборот воситачилари, агар қонун ҳужжатларида ўзгача ҳол белгиланмаган бўлса, ушбу Низомга мувофиқ электрон тижоратни амалга ошириш давомида шакллантириладиган электрон ҳужжатлар ва электрон хабарларни сақлаш тартибига риоя этишлари шарт.

21. Агар тузилган шартномада ҳамма фойдаланадиган ахборот ресурсида жойлаштирилган электрон ҳужжатга хавола қилиш йўли билан унга киритилган алоҳида шартлар мавжуд бўлса, электрон ҳужжатни жойлаштирган электрон тижорат иштирокчиси қонун ҳужжатларида ёки шартномада белгиланган муддат мобайнида унга эркин кириш имкониятини, бундай муддат тамом бўлгач эса – ушбу электрон ҳужжатни ушбу Низомга муваофиқ сақлашни таъминлаши шарт.

22. Сотувчи ахборот воситачиси билан ахборот воситачисига электрон тижоратни амалга ошириш давомида шакллантириладиган электрон ҳужжатлар ва электрон хабарларни сақлаш ҳукуқини берадиган икки томонлама шартнома тузиш ҳукукига эга.

23. Сотувчи ва (ёки) ахборот воситачиси:

электрон тижоратдаги электрон ҳужжатлар ва хабарлар сақланишини;

қонун ҳужжатларида ёки шартнома шартларида белгиланган муддат мобайнида шартнома иштирокчилари ва ваколатли шахсларнинг электрон ҳужжатлар ва электрон хабарлардан фойдаланишини;

қонун ҳужжатлари талабларига мувофиқ ҳам харидорлар, ҳам бошқа жисмоний шахсларнинг электрон тижорат шартномаларини тузиш давомида уларга маълум бўлган шахсий маълумотлари сақланишини;

ўз ахборот тизимлари, маълумотлар базалари, электрон ҳужжатлар, хабарларни сақлаш воситалари ва муҳити ҳимоя қилинишини таъминлаши шарт.

24. Электрон тижорат иштирокчилари, шунингдек ахборот воситачилари:

сақланаётган маълумотларнинг мазмунини ўзгартириш;

маълумотларни учинчи шахсларга бериш ҳукукига эга эмас, қонун ҳужжатларида ёки тузилган шартномада назарда тутилган ҳоллар бунлдан мустасно.

V. Якунловчи қоидалар

25. Шартномаларни тузиша ЭРИни қўллаш, электрон ҳужжатларни ва электрон тижоратда қўлланиладиган электрон хабарлардаги мавжуд ахборотни сақлаш билан боғлиқ низолар қонун ҳужжатларида белгиланган тартибда ҳал этилади.

26. Электрон тижорат иштирокчилари ва ахборот воситачиси ушбу Низом талабларига риоя этилмаганлиги учун қонун ҳужжатларида белгиланган тартибда жавоб беради.